

LA
BATAILLE
DONNEE

ENTRE LE COMTE
DE BVCQVOY LIEV-

TENANT DE L'EMPEREUR
auec l'armée protestante,

Ensemble la reduction de la Moraue,

Surprise de villes.

Preparatifs du siege de Prague.

*Et tout ce qui s'est passé au Palatinat depuis la
vance du Marquis de Spinola iusques à present.*

Le tout au profit de sa Majesté Imperiale.

A PARIS,

Del'Imprimerie de IOSEPH BOVILLEROT
rue vieille Drapperie.

M. DC. XX.

Auec permission.

Case

F

39

326

76206

THE NEWBERRY
LIBRARY



LA

BATAILLE

DONNEE ENTRE LE;

COMTE DE BVCQVOY

Lieutenant de l'Empereur &

l'armee Protestante.

*Ensemble la reduction de la Moravie surpri-
se de villes, preparatifs du siege de Prague
Et ce qui s'est passe au Palatinat, depuis
l'arrivee du Marquis de Spinola iusques a
present le tous au profit de sa Majeste Impe-
riale.*

N se proposoit desia
de faire avec les Hon-
gres, le mesme qu'on
a sceu faire avec les re-
belles de Boheme,
sçavoir d'enlener de dessus la

A ij

la teste de l'Empereur Ferdinand
la courõne du Royaume d'Hon-
grie, de mesme qu'on luy à enle-
ué celle de son Royaume de Bo-
heme, par les menees des preten-
dus Directeurs & autres sectes
heretiques plus ennemis de la
Religion Catolique, qu'ils ne le
sont de la maison d'Autriche, cõ-
tre laquelle le party protestant à
iusques à present vomy tout ce
qu'il auoit de forces & non de ra-
ge en ayant tousiours de reste cõ-
tre ceux qui deffendront les
droiçts de l'Eglise Romaine avec
la querelle iuste & legitime du
Sacro-S. Empire des Romains.

On auoit fait toutes choses
possibles pour terminer l'assem-
blee Presburg, par vne mauuaise
conclusion contre l'Empereur,
& faire souléuer les Estats de

Hongrie contre leur Prince legitime, pour donner la Couronne à vn allié du Turc, se souciant fort peu qu'un infidelle, on vassal de l'ennemy commun des Chrestiens, soit leur voisin, pourueu que leur enuie sur l'Empereur sortisse son effect: Mais Dieu mercy ils se sont abusez au calcul & reculez à plus de cent lieues de leur compte, car ladite assemblee de Presburg, s'est toute terminee au profit de l'Empereur, l'Eglise, & la Noblesse, les deux plus nobles membres du Royaume, ont protesté toute sorte de bonne affection enuers sa Majeste Imperiale, & n'y a eu que quelques villes murines gouvernees par vne populace rebelle Luterienne & Anabaptiste, qui voudroient bien se lier avec les re

belles de Boheme, s'ils auoient la force de faire: ce la trefue est recōtinuee pour neuf mois avec le Transyluain & n'est permis à aucun des Hongrois d'exercer aucun acte d'hostilité, soit en faueur des Protestans contre l'Empereur ny, dans toute la Hongrie sur les familles Catholiques, & sur les Imperiaux: l'occasion de ceux est la guerre declaree entre le Polonois & le Turc pour la Moldaue, où pour le Turc Bethleen-Gabor est faict cōducteur de ses troupes contre l'armee de Pologne, guerre entreprise à dessein par le Roy de Pologne en faueur de l'Empereur, pour occuper Bethleē-Gabor, & luy dōner de la besogne, pendant que l'on chastiera les rebelles Protestans.

Ainsi la Paix estant asseuree

pour cette année en Hongrie, au moyen de cette trefue, l'Empereur à tourné ses armes contre les Bohemiens, ce qu'ayant veu les Estats de la haute Autriche, qui s'estoient aussi reuoltez contre sa Majesté, se sont reduits en son obeissance, creignant d'estre châstiez, & ont faict les mesmes protestations à l'Empereur, que ceux de la basse Autriche, à l'exemple desquels ils se sont finallemēt gouvernez.

Or le Conseil assemblé dedans Vienne, avec les bonnes intelligences des Princes, parens & aliez de la maison d'Autriche, on a resoult que puis que l'armée de Flandres auoit passé la Riuiere du Rhin, d'inuestir de toutes parts le Royaume de Beheme, mais auparauant, oster les comoditez

du passage du Danube aux Protestans au moyen desquelles ils entroient en Autriche & receuoient les Estats de l'Autriche en leur pretention, ce qui cest fait par la prise de Linrz & de deux autres forteresses, dont s'est emparé le Duc de Bauiere.

Ainsi pour inuestir ledit Royaume de Boheme, le Duc de Bauiere chef de l'armée appellee ligue Catholique, ioint avec l'Archiduc Leopold & D^o Balthazar de Maqueda és enuiron de Buduis, és premieres, d'auenues de l'Autriche, en la Boheme au delà du Danube avec vingt-huict mil hommes.

D'un autre costé, sçauoir au dessus de Prague, la Boheme est inuestie de l'armée puissante du Prince Electeur de Saxe, executeur

teur du ban Imperial avec trente mil combatans.

Et du costé de la Moraue où est tout le fort des Protestans est l'Archiduc Charles & le Côte de Buquoy, avec quinze mille hommes de pied, Vvallons, Liegeois, Allemans, Lorrains, Bourguignons & Suisses, & quatre mille Cosaques, sans la caualerie de l'Empereur, dont vne partie est encore à Vienne, & vne partie avec le sieur Côte, lequel est entré si auant dans la Moraue, qu'apres y auoir prins quatre forts importans, il est venu au rencontre du Comte de la Tour vn des principaux chefs des rebelles de Boheme, qui s'est veu engagé au combat avec le Com

te de Buquoy, pour s'estre veu
enfermé entre les Cosaques, &
dix cornettes de caualerie del'Ar
chiduc, Charles.

En ceste occasion, le Comte
de la Tour estoit suyui de huiet
mil hommes de pied, tous frais
& bien armez, & de seize cens
cheuaux, & de quatre pieces de
canon; lequel voyant qu'il auoit
l'ennemy en teste, & aux flancs
& vne forest de l'autre, dans lar-
quelle il n'eust loisir d'y campe-
l'embuscade qu'il s'estoit pro-
mis, ne se peut desdire qu'il n'e
se preparat à combattre, ce qu'il
fit, disposant les gés au meilleur
ordre, ainsi que la necessité le re-
queroit, auant que le Comte de
Buquoy se fust aduancé sur luy,

il pratiqua en celieu le dire vulgaire, que qui le premier attaque son ennemy est comme demy victorieux, il le fut à demy véritablement, car le courroux le transportant, tire sur les Cosaques qui le vouloient escarmoucher pour l'attirer vn peu plus auant en cāpagne, les effraye, les charge & les met en fuitte, rejoint ses forces, & voyant qu'il ne luy estoit expediant de se diuiser, tient ferme à la resistance contre trois regimens de Lansquenets qui le viennent charger, lesquels à la verité eurent eu du pire, n'eust esté le Comte de Buquoy qui arriue avec douze cens mousquetaires à cheual, & deux mille cheuaux; la presence duquel

estonne les Protestans & les met en fuite, laissant leur artillerie & bagage pour proye aux soldats victorieux. La desroute qui s'y fit est fort grande pour le nombre des tuez, ce qui arriua le troisieme Septembre dernier, & le lendemain furent prins & rédus en la Morauie trois places importantes, qui est cause que vne grande partie de la Prouince est reduite à l'Empereur.

Le Marquis de Spinola passe avec son armee au trauers le Palatinat du Rheim, suyuant la conuention des Princes vnis, qu'il sera loisible à chacun d'aller ou en Autriche ou en Bohême: Il ne s'est saisi d'aucune place en passant, & n'a faict aucun dom-

mage au Palatinat, & dit-on
qu'il va joindre l'armée du Duc
de Bauiere, pour ensemblement
entrer dans le Boheme, & assie-
ger la ville de Prague.

F I N.





